

Broj: 01-14-2817-6/19
Sarajevo, 27.09.2019.godine

01-14-2019

Na osnovu člana 70. Zakona o javnim nabavkama BiH („Službeni glasnik BiH“ broj:39/14) i člana 20. Pravilnika o unutrašnjoj organizaciji Federalnog ministarstva za pitanja boraca i invalida odbrambeno-oslobodilačkog rata broj: 05-34-1272/19 od 29.08.2019. godine, a na prijedlog Komisije za javne nabavke za 2019. godinu imenovane rješenjem broj: broj: 01-34-703/19 od 25.02.2019. godine, federalni ministar za pitanja boraca i invalida odbrambeno-oslobodilačkog rata, d o n o s i:

ODLUKU

o izboru najpovoljnijeg ponuđača za nabavku potrošnog materijala za printere, faks aparate i kopir aparate

I

Na osnovu Obavještenja o nabavci broj: 746-7-1-33-3-9/18 koje je objavljeno na Portalu javnih nabavki dana 13.09.2019.godine, poziva za dostavljanje ponuda putem konkurentskog zahtjeva broj:01-14-2817/19 od 12.09.2019. godine i provedenog postupka za nabavku potrošnog materijala za printere, faks aparate i kopir aparate, kao najpovoljnija i ocjenjena najprihvatljivijom ponudom je ponuda ponuđača EXCLUSIVE d.o.o. Zenica čija ukupna cijena ponude utvrđena nakon računske kontrole i održane e aukcije iznosi 8.970,00 KM bez PDV-a.

II

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora – najniža cijena.

III

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulirati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

IV

Ova odluka objaviti će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak javne nabavke - konkurentski zahtjev za dostavu ponuda za nabavku za nabavku potrošnog materijala za printere, faks aparate i kopir aparate pokrenut je Odlukom o pokretanju postupka javne nabavke, broj: 01-14-2815/19 od 12.09.2019. godine. Ukupna procijenjena vrijednost nabavke iznosila je 28.632,00 KM. Obavijest o nabavci poslana je na tri adrese, a obavještenje o nabavci broj: 746-7-1-33-3-9/19 objavljeno je na portalu javnih nabavki 13.09.2019.godine. Tendersku dokumentaciju preuzelo je 13 (trinaest) ponuđača, a 3 (tri) ponuđača dostavila su ponude u predmetnom postupku javne nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: KMC d.o.o. Banja Luka, ELKOM d.o.o. Vitez i EXCLUSIVE d.o.o. Zenica.

Komisija za javne nabavke, izvršila je pregled i ocjenu ponuda, te konstatovala da su dvije dostavljene ponude prihvatljive za ugovorni organ, odnosno ispunjavaju formalno pravne, ekonomske i tehničke uslove, odnosno zahtjeve ugovornog organa i to ponude ponuđača KMC d.o.o. Banja Luka i EXCLUSIVE d.o.o. Zenica, a da je dostavljena jedna ponuda koje nije prihvatljiva za ugovorni organ i to ponuda ponuđača „ELKOM“ d.o.o. Banja Luka.

Ponuda ponuđača „ELKOM“ d.o.o. Banja Luka, nije prihvatljiva za ugovorni organ iz sljedećih razloga:

Naime, Aneksom 2 – Obrazac za ponudu (broj ponude: 68/19 od 20.09.2019.godine), tačkom 6. propisano je :

„Naša ponuda važi 90 (devedeset) dana od dana isteka roka za dostavljanje ponuda, odnosno do _____ godine.“

Ponuđač „ELKOM“ d.o.o. Banja Luka je kao rok važenja ponude upisao „24.03.2019.godine“, a što ni u kom slučaju nije rok od 90 dana važenja ponude, a kako je traženo tenderskom dokumentacijom.

Nadalje, tačkom 6.3.1. Tehnička i profesionalna sposobnost propisano je:

„Uz spisak izvršenih ugovora ponuđač je dužan dostaviti potvrde koje su izdali primaoci robe, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede.“

Naime, potvrda koju je dostavio ponuđač Elkom d.o.o. Banja Luka broj:05.2.2-175-92238-2/18-3500 od 31.07.2019.godine izdata od Dioničkog društva BH Telecom Sarajevo ne sadrži navode o uredno izvršenim ugovorima, kako je traženo tačkom 6.3.1. tenderske dokumentacije.

U skladu sa članom 68. Zakona o javnim nabavkama, ponuda ponuđača „ELKOM“ d.o.o. Banja Luka nije potpuna i ne ispunjava uslove predviđene Tenderskom dokumentacijom.

Nakon provjere kvalifikovanosti ponuđača, računске kontrole u ponudama zakazana je e-aukcija za dan 27.09.2019. godine, a sa kvalifikovanim ponuđačima. Ponuđači koji su pozvani da učestvuju u e-aukciji su: ELKOM d.o.o. Vitez i EXCLUSIVE d.o.o. Zenica. Nakon provedenog postupka e aukcije Komisija je sačinila i dostavila resornom ministru Zapisnik o pregledu i ocjeni ponuda broj: 01-14-2817-5/19 od 27.09.2019.godine sa preporukom o izboru najpovoljnijeg ponuđača EXCLUSIVE d.o.o. Zenica, sa registrovanim sjedištem u Zenici, ul. Armije BiH 6, ID broj: 4218000400009, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i Tenderskom dokumentacijom. Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio ovu odluku.

Žalba se podnosi naručiocu-ugovornom organu kao prvostepenoj instanci u žalbenom postupku, u dovoljnom broju primjeraka koji ne može biti manji od tri.



Dostavljeno:

1. Ponuđačima 3 x
2. U spise
3. Arhiva